

Абай облысының халқы көтерген мәселеге байланысты депутаттық сауал жолданды.

Қазақстан Республикасының Премьер-Министрі
О.А.Бектеновке

ДЕПУТАТТЫҚ САУАЛ



Құрметті
Олжас Абайұлы!

Абай облысында халықпен кездесулер өткізгенде республикалық, облыстық және аудандық жолдарды жөндеу мәселесі жиі көтерілді.

Мемлекет Басшысы 2022 жылғы Жолдауында жергілікті жолдардың 95 пайызын жақсарту және бұл мәселені Үкіметтің бақылауында ұстау жөнінде тапсырма берген.

Қарағанды – Аяғоз – Ботас республикалық жолын жөндеу 2024 жылы басталған. Қазіргі таңда 80 шақырым жол жөнделді. Бұл жолды жөндеуді жалғастыру керек. Өсіресе, Баршатас – Аяғоз – Тарбағатай жол учаскесін жөндеу қажет. Өйткені бұл жол өте нашар жағдайда.

Абай облысы бойынша жергілікті жолдардың жалпы ұзындығы – 4 985 шақырым, оның 44 пайызына асфальт төселмеген.

Аяғоз-Қарауыл, Ақсуат-Ақжар, сондай-ақ, Ақтоғай кентінен республикалық жолға дейінгі (84 шақырым) облыстық жолдар әбден тозған, шұңқыр-шұңқыр. Бұл жолдарды жөндеу мәселесі бірнеше рет көтерілген.

Быыл Аяғоз-Қарауыл жолын жөндеу жұмыстары басталған. Келесі жылдарға қаражат қарастыру

керек.

Сонымен қатар, Абай облысындағы аудандық және көптеген ауылдарға кіреберіс жолдар жөндеуді қажет етеді. Өйткені, бұл жолдар жолаушыларға, жүргізушілерге қиындық тудырады және жөндеу жұмыстарының уақытылы жөтуіне кедергі келтіреді.

Мысалы, облыстағы Майлин, Сарыарқа, Мыңбұлақ, Өркен, Қоңырбиік, Кіші Қарасу, Жайма, Жарық, Қапانبұлақ, Бептерек, Қызылағаш, Кіндікті, Үштебе, Сұлутал, Алғабас, Абыралы, Бургон, Көктерек, Көктал, Бигаш, Долоны – Мостик, Қарамырза – Белокаменко, Қарағайлы – Бозтал, Белағаш – Новопокровка ауылдарына баратын жолдар да сын көтермейді, асфальт жоқ, қанағаттанарлықсыз жағдайда.

Халық бұл жолдарды жөндеуді талап етеді.

«AMANAT» партиясының сайлауалды бағдарламасында автомобиль жолдардың жөндеу басты басымдықтардың бірі ретінде белгіленген.

Осыған байланысты, Сізден: 1. Қарағанды – Аяғоз – Ботас республикалық жолының Баршатас – Аяғоз – Тарбағатай жол учаскесін жөндеуге тиісті қаражат қарастыруды;

2. Жергілікті жолдарды жөндеуге арналған бағдарлама қабылдап, нақты мерзімін белгілеп, қаражат бөлуді сұраймын.

САБИЛЬЯНОВ

Нұртай Салихұлы

Қазақстан Республикасы
Парламенті Мәжілісінің депутаты,
Экономикалық реформа және өңірлік даму комитетінің
Төрағасы

МЕМЛЕКЕТ БАСШЫСЫ ҚАРЖЫ МИНИСТРІ МӘДИ ТАКИЕВТІ ҚАБЫЛДАДЫ

Президентке республикалық бюджеттің орындалуы және мемлекет қаржысын цифрландыруды ілгерілету жұмыстары жөнінде баяндалды.

Министрдің айтуынша, быыл республикалық бюджетке 21,6 триллион теңге көлемінде кіріс түскен. Оның 15,2 триллион теңгесін салық түсімдері құрайды. Бұл – өткен жылмен салыстырғанда 23,4 пайыз жоғары. Тоғыз айдың қорытындысы бойынша бюджет 101,6 пайыз орындалып, оның әлеуметтік бағыты сақталып отыр.

Қасым-Жомарт Тоқаевқа салықтық және кедендік әкімшілендірудің тиімділігін арттыру шаралары, Арнаулы мемлекеттік қордың түсімдері туралы мәлімет берілді.

«Мемлекеттік сатып алу туралы» Заңын іске асыруға баса назар аударылды. Жаңа құжат рәсімдердің мерзімін қысқартуды, олардың ашықтығын қамтамасыз етуді және отандық тауар өндірушілерді қолдауды көздеді. Қазіргі уақытта қазынашылықтың ақпараттық жүйесіндегі талдау және бақылау үдерістері толық автоматтандырылды.

Мемлекет қаржысын цифрландыру аясында Big Data қалыптастыруға және толықтыруға, сон-



дай-ақ салық пен кеден салаларына жасанды интеллектті енгізуге ерекше мән беріледі.

Президентке мемлекеттік аудиттің нәтижелері таныстырылды. Быылғы 8 айда 791 тексеру жүргізіліп, сомасы 337,5 миллиард теңге болатын қаржының заңсыз жұмсалғаны анықталды.

Қасым-Жомарт Тоқаев мемлекеттік қаржының орнықтылығын қамтамасыз ету бойынша жүйелі жұмысты жалғастыру мен барлық әлеуметтік міндеттемені орындау керек екеніне тоқталды. Сондай-ақ цифрландыруды одан әрі дамыту және заманауи бақылау тетіктерін енгізудің маңызын атап өтті.

Ақорда

МЕМЛЕКЕТ БАСШЫСЫ МАКРОЭКОНОМИКАЛЫҚ ТҰРАҚТЫЛЫҚ МӘСЕЛЕЛЕРІНЕ АРНАЛҒАН ЖИЫН ӨТКІЗДІ

Қасым-Жомарт Тоқаев экономикалық даму сапасын арттыру және баға тұрақтылығын қамтамасыз ету мәселелері бойынша кеңес өткізді.

Жиында Премьер-министр, Президент Әкімшілігінің басшылығы, Ұлттық банктің төрағасы, Қаржы нарығын реттеу және дамыту агенттігінің, Стратегиялық жоспарлау және реформалар агенттігінің жетекшілері мен Үкімет мүшелері қатысты.



Кеңес барысында макроэкономикалық орнықтылықты нығайту, азаматтардың әл-ауқатын көтеру және инфляция деңгейін төмендету шаралары қаралды.

Президент халықтың табысын жақсартуда саннан сапаға көшудің маңызды екенін атап өтті.

Қасым-Жомарт Тоқаев экономиканы орнықты дамыту үшін барлық жауапты мемлекеттік органдардың жүйелі жұмыс істеуі керек екенін айтты.

Ақорда

АЙМАҚ БАСШЫСЫ РЕАНИМАЦИЯЛЫҚ БӨЛІМШЕГЕ БАРДЫ



Аяғоз ауданына келген құрметті сапары барысында облыс әкімі Берік Уали Аяғоз қаласындағы орталық аудандық аурухана жанынан салынған реанимациялық бөлімшенің құрылысымен танысты.

Аудандық аурухана 1978 жылы пайдалануға берілген. Медициналық нысан 220 төсек-орындық стационарымен және ауданға қарасты емдеу мекемелерімен халыққа қызмет көрсетіп отыр. Мұнда 800-ге жуық адам жұмыс істейді. 50 мыңға тарта тұрғын тіркелген.

10 төсекке арналған жаңа реанимациялық бөлімшенің құрылысы 2024 жылы басталған. Ғимарат «Ауылдық денсаулық сақтауды жаңғырту» ұлттық жобасы аясында салынды. Реанимация бөлімі бүгін дейін аурухананың бейімделген бөлмесінде орналасқан болатын. Енді жаңа нысанда оқшауланған палаталар, диализ

бөлмесі, бейнебақылау жүйесі, қан сақтау қоймасы, дәрігерлерге арналған қосымша бөлмелер болады.

Сонымен қатар, нысан жасанды тыныс алдыру аппараттары, мобильді рентген, жоғары сапалы ультрадыбыстық құрылғы, видеофлюороbronхоскоп, дефибрилляторлар және басқа да заманауи медициналық құрал-жабдықтармен қамтамасыз етілмек. Бұл жабдықтар реанимациялық көмектің сапасын едәуір арттыруға және науқастарға дер кезінде өрі білікті медициналық көмек көрсетуге мүмкіндік береді. Жаңа бөлімшеде жыл сайын шамамен 500 науқас, оның ішінде 60-қа жуық бала ем қабылдайды. Алдағы уақытта ауруханаға магнитті-резонанстық томограф орнату үшін жалпсаржай салу жоспарланып отыр.

Нысанды аралап көрген облыс әкімі жаңа бөлімшенің аудан тұрғындары үшін маңызын атап өтті.

«Реанимация бөлімшесі заманауи жабдықтармен қамтамасыз етіліп, дәрігерлердің кәсіби мүмкіндіктерін кеңейтеді. Ең бастысы – тұрғындар дер кезінде сапалы медициналық көмек алады», – деді аймақ басшысы.

Абай ақпарат

ОБЪЯВЛЕНИЕ

Замечания и предложения принимает ГУ «Управление природных ресурсов и регулирования природопользования акмата области Абай» по адресам: prirodnyye_resursy_obl.abay@mail.ru и г.Семей, ул.Турпыханова, 30, а также на платформе Информационной системы.